



ხოზის მუნიციპალიტეტის საკრებულოს

განკარგულება N46

2021 წლის 29 დეკემბერი

ქ. ხობი

ხოზის მუნიციპალიტეტის სოციალურად დაუცველი და ეკონომიკურად შეჭირვებული მოსახლეობის სოციალურ-ეკონომიკური მდგომარეობის გაუმჯობესებისა და ხელშეწყობის 2022 წლის მუნიციპალური პროგრამის თანხის გაცემის წესის დამტკიცების შესახებ

საქართველოს ორგანული კანონის „ადგილობრივი თვითმმართველობის კოდექსი“ მე-16 მუხლის მე-3 და მე-4 პუნქტების, მე-19 მუხლის „ბ“ პუნქტისა და 24-ე მუხლის მე-2 და მე-3 პუნქტების შესაბამისად:

1. დამტკიცდეს თანდართული „ხოზის მუნიციპალიტეტის სოციალურად დაუცველი და ეკონომიკურად შეჭირვებული მოსახლეობის სოციალურ-ეკონომიკური მდგომარეობის გაუმჯობესებისა და ხელშეწყობის 2022 წლის მუნიციპალური პროგრამა“.

2. განკარგულება ამოქმედდეს 2022 წლის 1 იანვრიდან.

3. განკარგულება შეიძლება გასაჩივრდეს საქართველოს ადმინისტრაციული კანონმდებლობით დადგენილი წესით, ფოთის საქალაქო სასამართლოში (მისამართი: ქ. ფოთი, დავით აღმაშენებლის ქ. №3).

საკრებულოს თავმჯდომარე

ლევან ქავთარაძე

ხობის მუნიციპალიტეტის სოციალურად დაუცველი და ეკონომიკურად შეჭირვებული მოსახლეობის სოციალურ-ეკონომიკური მდგომარეობის გაუმჯობესებისა და ხელშეწყობის 2022 წლის მუნიციპალური პროგრამის თანხის გაცემის წესის პროექტი

მუხლი 1. პროგრამის რეგულირების სფერო, განსახორციელებელი საქმიანობა და მიზანი

1. პროგრამის რეგულირების სფეროა ხობის მუნიციპალიტეტის მოსახლეობის სოციალურ-ეკონომიკური მდგომარეობა.

2. პროგრამის ფარგლებში განსახორციელებელი საქმიანობა მოიცავს ხობის მუნიციპალიტეტის ადგილობრივი თვითმმართველობის ორგანოების მხრიდან ხობის მუნიციპალიტეტში რეგისტრირებული, სოციალურად დაუცველი და ეკონომიკურად შეჭირვებული მოსახლეობის მდგომარეობის შესწავლას და სათანადო ფინანსური დახმარების გაწევას, ასევე სხვადასხვა კატეგორიებზე სადღესასწაულო და მნიშვნელოვან დღეებში ერთჯერადი წახალისების თანხის გაცემას.

3. პროგრამის მიზანია ხობის მუნიციპალიტეტში რეგისტრირებული სოციალურად დაუცველი და ეკონომიკურად შეჭირვებული მოსახლეობის სოციალურ-ეკონომიკური მდგომარეობის გაუმჯობესება და ჯანმრთელობის დაცვის ხელშეწყობა.

მუხლი 2. პროგრამით მოსარგებლე პირთა წრე

პროგრამით მოსარგებლე პირთა წრეს მიეკუთვნებიან ხობის მუნიციპალიტეტის ტერიტორიაზე რეგისტრირებული:

- ა) მარტოხელა პენსიონერები;
- ბ) იძულებით გადაადგილებული პირები;
- გ) ომის ვეტერანები;
- დ) მარტოხელა დედები და დედმამით ობოლი ბავშვები;
- ე) მრავალშვილიანი ოჯახები;
- ვ) ავადმყოფები;
- ზ) უმუშევრები;
- თ) ეკონომიკურად შეჭირვებული და სიღატაკის ზღვარს მიღმა მყოფი მოქალაქეები;
- ი) მოქალაქეები, რომლებიც სტიქიის შედეგად საჭიროებენ გადაუდებელ დახმარებას;
- კ) ახალშობილთა ოჯახები;
- ლ) 100 და 100 წელს ზემოთ ასაკის მოქალაქეები;
- მ) დიალიზზე მყოფი მოქალაქეები;
- ნ) ჩერნობილის ტრაგედიის დროს დაზარალებულები;
- ო) 18 წლამდე ასაკის მქონე პირები;
- პ) უსახლკაროები, რომლებიც საჭიროებენ თავშესაფარს;
- რ) სოციალურად დაუცველი ოჯახები, რომლებიც რეგისტრირებულნი არიან მონაცემთა ერთიან ბაზაში, რომელთა სარეიტინგო ქულა არ აღემატება 120 ათასს;
- ს) ოჯახში ძალადობის მსხვერპლის სტატუსის მქონე პირები;

ტ) შშმ პირები (მაღალ-ტექნოლოგიური გამოკვლევების (კორონორიგრაფია, კომპიუტერული ტომოგრაფია, მაგნიტურ-რეზონანსული ტომოგრაფია, ბიოფსია) ერთჯერადი დახმარების ფარგლებში).

ფ) 6-18 წლამდე შეზღუდული შესაძლებლობის მქონე პირები;

ქ) აუტიზმით დაავადებული ბავშვები;

ღ) 200-ათასი და ნაკლები სარეიტინგო ქულით სოციალურად დაუცველი მოქალაქეები;

მუხლი 3. პროგრამის მოქმედების ვადა, მისი დაწყების და დასრულების დრო

პროგრამა მოქმედებს 2022 წლის 1 იანვრიდან 2022 წლის 31 დეკემბრის ჩათვლით.

მუხლი 4. გასაცემლის პერიოდულობა

პროგრამით განსაზღვრული გასაცემლები შეიძლება გაიცეს პროგრამის მოქმედების მთელი პერიოდის მანძილზე, შემოსული განცხადებებისა და წინადადებების შესაბამისად, გარდა მე-13 მუხლით კონკრეტული თარიღისთვის განსაზღვრული ერთჯერადი გასაცემლებისა.

მუხლი 5. პროგრამის ბიუჯეტი და მისი დაფინანსების წყარო

პროგრამის ბიუჯეტი შეადგენს 567700 (ხუთას სამოცდაშვიდი ათას შვიდასი) ლარს და ფინანსდება ხობის მუნიციპალიტეტის 2022 წლის ადგილობრივი ბიუჯეტიდან.

მუხლი 6. პროგრამის ადმინისტრაციული წარმოების სახე

პროგრამის განხორციელების ფარგლებში ადმინისტრაციული წარმოება მიმდინარეობს საქართველოს ზოგადი ადმინისტრაციული კოდექსით და საქართველოს კანონმდებლობით დადგენილი ადმინისტრაციული წარმოების წესებით.

მუხლი 7. პროგრამის ადმინისტრირების, მისი მართვის, ზედამხედველობის, ინსპექტირებისა და კონტროლის წესები და პირობები

1. პროგრამის ადმინისტრირებას, მართვას, ზედამხედველობას და ინსპექტირებას ახორციელებს ხობის მუნიციპალიტეტის მერიის შრომის, საზოგადოებრივი ჯანმრთელობისა და სოციალური დაცვის სამსახური.

2. კონტროლის წესები და პირობები რეგულირდება ხობის მუნიციპალიტეტის მერიის დებულებით, ხობის მუნიციპალიტეტის მერიის შრომის, საზოგადოებრივი ჯანმრთელობისა და სოციალური დაცვის სამსახურის დებულებით, ხობის მუნიციპალიტეტის მერის ინდივიდუალური ადმინისტრაციულ-სამართლებრივი აქტით დამტკიცებული ხობის მუნიციპალიტეტის სოციალური დახმარებისა და ჯანდაცვის მუნიციპალური პროგრამების განხორციელების წესით და საქართველოს მოქმედი კანონმდებლობით.

მუხლი 8. გადაწყვეტილების მომზადებასა და მიღებაზე უფლებამოსილი პირები

1. პროგრამის ფარგლებში გადაწყვეტილების პროექტს ამზადებს:

ა) ხობის მუნიციპალიტეტის მერიის შრომის, საზოგადოებრივი ჯანმრთელობისა და სოციალური დაცვის სამსახური - იმ პროგრამების რეალიზებისთვის, რომელთა ბენეფიციარები წინასწარ არის დადგენილი წლის ან წლის გარკვეული ან/და კონკრეტული პერიოდისთვის;

ბ) ხობის მუნიციპალიტეტის მერიაში შექმნილი სოციალური და ჯანმრთელობის დაცვის მუნიციპალური პროგრამების უზრუნველყოფის კომისია - იმ პროგრამების რეალიზებისთვის,

რომელთა ბენეფიციარების დადგენა მოითხოვს შერჩევას, შემოწმებას, შეფასებას და კოლეგიური გადაწყვეტილების მიღებას.

2. პროგრამის ფარგლებში გადაწყვეტილებას იღებს ხობის მუნიციპალიტეტის მერი, რისთვისაც გამოიცემა მერის ინდივიდუალური ადმინისტრაციულ-სამართლებრივი აქტი - ბრძანება.

მუხლი 9. პროგრამით სარგებლობისათვის წარსადგენი აუცილებელი დოკუმენტები

1. პროგრამით სარგებლობისათვის სავალდებულოა შემდეგი დოკუმენტაციის წარმოდგენა:

- ა) წერილობითი განცხადება;
- ბ) პირადობის დამადასტურებელი დოკუმენტი;
- გ) საბანკო ანგარიშის ნომერი (ფულადი დახმარების შემთხვევაში);
- დ) კონკრეტული ფაქტის გამო დახმარების გაწევის შემთხვევაში, ამ ფაქტის დამადასტურებელი დოკუმენტი;
- ე) შესაბამის ადმინისტრაციულ ერთეულში მერის წარმომადგენლის წერილობითი დოკუმენტი (დასახმარებელი სუბიექტის სოციალური მდგომარეობის დასაბუთებით).
- ვ) საოპერაციო ხარჯების ანაზღაურების შემთხვევაში - ფორმა №100 (ცნობა ჯანმრთელობის მდგომარეობის შესახებ), ანგარიშფაქტურა და კალკულაცია.

2. პროგრამით სარგებლობისათვის წარსადგენ დამატებით დოკუმენტთა ნუსხა კონკრეტული პროგრამისთვის (გასაცემლისთვის) განისაზღვრება ხობის მუნიციპალიტეტის მერის ინდივიდუალური ადმინისტრაციულ-სამართლებრივი აქტით დამტკიცებული ხობის მუნიციპალიტეტის სოციალური დახმარებისა და ჯანდაცვის მუნიციპალური პროგრამების განხორციელების წესით.

მუხლი 10. სოციალური პროგრამით გათვალისწინებული დახმარების მინიმალური და მაქსიმალური ოდენობა

პროგრამით გათვალისწინებული დახმარების მინიმალური ოდენობა განისაზღვრება 100 (ასი) ლარით, ხოლო მაქსიმალური - 3000 (ოთხი ათასი) ლარით.

მუხლი 11. ადმინისტრირებისთვის საჭირო სხვა პირობები

სოციალური დახმარების თაობაზე განაცხადი მიიღება როგორც წერილობითი, ასევე ელექტრონული ფორმით.

მუხლი 12. ფინანსური დახმარების შესახებ მიღებული გადაწყვეტილების აღსრულების წესი და მონაწილე მხარეები

ფინანსური დახმარება გაიცემა უნაღდო ანგარიშსწორებით და აღსრულდება დასახმარებელი სუბიექტის საბანკო ანგარიშზე ან ამ სუბიექტის მომსახურე შესაბამისი იურიდიული პირის საბანკო ანგარიშზე თანხის ჩარიცხვით. მონაწილე მხარეებს წარმოადგენენ დასახმარებელი სუბიექტი და ხობის მუნიციპალიტეტის მერია.

მუხლი 13. პროგრამის ხარჯთაღრიცხვა

№	პროგრამის დასახელება	პროგრამის ბიუჯეტი (ლარი)	პროგრამის მოქმედების ვადა	პროგრამით მოსარგებლეთა რაოდენობა	პროგრამის ღირებულება თითოეულ სუბიექტზე (ლარი)
1.	უმწეოთა სასადილოს ბენეფიციარების ერთჯერადი კვება და მომსახურება	100 000	01.01.2022 - 31.12.2022	150	666,6
2.	სადღესასწაულო დღეებში:				
	მრავალშვილიანთა დახმარება	24 000	01.03.2022 - 30.03.2022	96	250
	არასრულწლოვან დედ-მამით ობოლთა დახმარება	500	01.06.2022 - 30.06.2022	2	250
	100 წლის და 100 წელზე მეტი ასაკის მოქალაქეთა დახმარება ერთჯერადად.	1500	01.03.2022 - 31.12.2022	7	200
3.	დახმარება ახალშობილთა ოჯახებისთვის	40000	01.01.2022 - 31.12.2022	220	პირველ და მეორე ბავშვზე - 200; მესამე-მეოთხე ბავშვზე - 300, მეხუთე და ზევით ბავშვზე 500ლარი,
4.	სიღარიბეში მყოფი ოჯახებისთვის წყლის ხარჯის ანაზღაურება ყოველთვიურად.(120000და ნაკლები ქულა.ქ. ხობში რეგისტრირებული ბენეფიციარის ოჯახი.)	10000	01.01.2022 - 31.12.2022	100 ოჯახი	1,77
5.	ხანძრით და სტიქიით დაზარალებულთა დახმარება (ერთჯერადად)	30000	01.01.2022 - 31.12.2022		300-დან 3000-მდე
6.	ერთჯერადი ფულადი დახმარება ეკონომიკურად შეჭირვებული მოქალაქეებისთვის	30 000	01.01.2022 - 31.12.2022	300	100 ლარი
7.	საოპერაციო(გადაუდებელი და გეგმიური ოპერაციები) ქიმიო, იოდო და სხივური, რადიო, ჰორმონო თერაპიის მკურნალობის ხარჯების დაფინანსება, ერთჯერადად, სათანადო საბუთების წარმოდგენისას, ავადმყოფის საავადმყოფოდან	160000	01.01.2022 - 31.12.2022	300-350	ანგარიშ-ფაქტურით წარმოდგენილი ხარჯების 50%-ის ფარგლებში და არაუმეტეს 1500 ლარისა(რომელიც დარჩენილია სახელმწიფო ან კერძო დაზღვევის პროგრამის

	გაწერამდე ,მხოლოდ პაციენტის მიერ გადაუხდელი თანხის მიხედვით.(300 ლარი და ზემოთ) (ერთჯერადად)				დაფინანსების შემდეგ)
8.	დიალიზზე მყოფ მოქალაქეთა ყოველთვიური ფულადი დახმარება	27 000	01.01.2022 - 31.12.2022	15	150
9.	დეენილის დაკრძალვის ხარჯები	4500	01.01.2022 - 31.12.2022	18	250
10.	ომი ვეტერანის დაკრძალვის ხარჯები	1500	01.01.2022 - 31.12.2022	6	250
11.	დახმარება ჩერნობილის კატასტროფის სალიკვიდაციო სამუშაოებში მონაწილეთათვის	1950	01.01.2022 - 31.12.2022	13	150
12.	სოციალურად დაუცველი ოჯახების (რომლებიც რეგისტრირებული არიან მონაცემთა ერთიან ბაზაში, რომელთა სარეიტინგო ქულა არ აღემატება 120 ათას ქულას და რომელთა სახლები საჭიროებს სრულ ან ნაწილობრივ გადახურვას) სახურავის და გადასახურად საჭირო სხვა მასალის ასევე ავარიულ მდგომარეობაში მყოფი სახლის გასამაგრებლად, ცემენტის და ბლოკის შეძენა.	80 000	01.01.2022 - 31.12.2022	15	სატენდერო
13.	სამამულო ომის ვეტერანების დახმარება (9 მაისი)	500	01.05.2022	1	500
14.	0-18 წლამდე ასაკის მქონე პირთათვის სამედიცინო სარეაბილიტაციო ერთჯერადი დახმარება	7000	01.01.2022 - 31.12.2022	20-30	წარმოდგენილი ანგარიშ-ფაქტურით 100-500ლარამდე
15.	6-18 წლამდე შეზღუდული შესაძლებლობის მქონე პირთათვის არასამთავრობო ორგანიზაციების სოციალური პროგრამების კერძოდ: დღის ცენტრის თანხის (კომუნალური ხარჯების) თანადაფინანსება	10000	01.01.2022 - 31.12.2022	15-25	წარმოდგენილი ფაქტიური ხარჯის დამადასტურებელი დოკუმენტით.
16.	8 აგვისტოს ომის დროს დაღუპულთა ოჯახების ერთჯერადი დახმარება	1750	01.08.2022 30.08.2022	7	250

17.	აფხაზეთის ომში დაღუპულთა ოჯახების ერთჯერადი დახმარება	2500	1.09.2022 30.09.2022	10	250
18.	საქართველოს ტერიტორიული მთლიანობისთვის ომის, თავისუფლებისა და დამოუკიდებლობისათვის საბრძოლო მოქმედების შედეგად შშმ-თა ერთჯერადი დახმარება	1750	1.05.2022 30.05.2022	7	250
20	უსახლკაროდ დარჩენილთათვის, რომლებიც საჭიროებენ თავშესაფარს და აქვთ გაკეთებული განაცხადი შესაბამის სტრუქტურებში თავშესაფარში მოთავსებამდე, ყოველთვიური ბინის ქირის გადასახადი	3800	01.01.2022 - 31.12.2022	5	100-დან 150-მდე
22	ოჯახში ძალადობის მსხვერპლის სტატუსის მქონე პირთა ერთჯერადი დახმარება(პოლიციიდან,სასამართლო და „გენდერული თანასწორობის, ქალთა მიმართ ძალადობისა და ოჯახში ძალადობის საკითხებზე მომუშავე უწყებათაშორის კომისიიდან) შემოსული ოქმის საფუძველზე.	7500	01.01.2022 - 31.12.2022	25	300
23	შშმ პირთა და ონკოლოგიურ დაავადებაზე საექვო პაციენტთა მაღალტექნოლოგიური გამოკვლევების (კორონაროგრაფია, კომპიუტერული ტომოგრაფია, მაგნიტურ რეზონანსული ტომოგრაფია, ბიოფსია) დაფინანსება (ერთჯერადად)	15150	01.01.2022 - 31.12.2022	20-30	წარმოდგენილი ანგარიშ-ფაქტურით, თანადაფინანსება 50% და არა უმეტეს 500 ლარისა
24	აუტიზმის სპექტრის მქონე ბავშვებზე წელიწადში ორჯერ ერთჯერადად 300-300 ლარის ოდენობით დახმარების თანხის გაცემა (თებერვალი- სექტემბერი)	1800	01.01.2022 - 31.12.2022	3	300
25	სტიქიური მოვლენების და ხანძრის შედეგად დაზარალებულთა (საცხოვრებლის გარეშე დარჩენილთა) ფინანსური დახმარება, რომლებიც საჭიროებენ	5000	01.01.2022 - 31.12.2022	5-6	სათანადო ცნობის წარმოდგენის საფუძველზე 150 -მდე

	საცხოვრებელი ფართის დაქირავებას (არაუმეტეს 6 თვის განმავლობაში)				
		567700			